



Lescha da scola

Revisiun totala

M E S S A D I

dalla suprastonza communalala al cussegl da vischnaunca

Preziau signur president
Preziadas signuras cusseglieras
Prezias signurs cussegliers

La nova lescha da scola cantunala ei dapi 2012 en vigur. Damai ch'ei ha dau pliras grondas midadas cun quella nova lescha, sco temps da bloc, structuradas dil di, promoziun integrativa per mo numnar las pli impurtontas, ei in'adattaziun da nossa lescha communalala vertenta che datescha dil 2002 urgentamein necessaria.

Situaziun da partenza

Cunquei ch'il project d'in consorzi da scola Sursassiala era en lavur, ei vegniu spitgau cun midar las differentas leschas da scola dallas treis vischnauncas per ch'ei sappi tier in reussir dil project gest vegnir fatg ina nova lescha pil consorzi. Deplorablamein ha il project d'in consorzi da scola Sursassiala fatg naufragi.

Il directori da scola ei suenter quei naufragi semess alla lavur da reveder la lescha da scola. D'ina vart ha la lescha surordinada e da l'otra vart differentas leschas d'autras vischnauncas dau la basa per la nova lescha. Damai che la gronda part dils artechels ein stipulai ella lescha surordinada e vegnan per part mo numnai per megliera informaziun, ei il sboz per la nova lescha empau pli cuorts che la lescha actuala. Il cussegl da scola ha repassau minuziusamein il sboz e va d'accord cun la lescha elavurada.

Il sboz ei gia vegnius controllaus ed acceptaus entras igl organ cantunal cumpetent. Ina lescha da scola communal ha oz buca pli bia spazi ed ils artechels ein quasi dai avon entras la lescha da scola cantunala surordinada.

Midadas principalas

En general: Tuttas disposiziuns ch'ein gia fixadas en ina lescha surordinada ein vegnidas strihadas, num ch'ins ha vuliu mantener ellas per informaziun.

artechel 1: *Per affons da lungatg jester eis ei obligatori da frequentar la scoletta.* Tenor lescha cantunala san las vischnauncas declarar obligatori la scoletta pils affons da lungatg jester. Autruisa ei la frequentaziun dalla scoletta voluntaria.

artechel 2: *L'obligaziun dad ir a scola sedrezza tenor il dretg cantunal e la frequentaziun ei gratuita.*

artechel 3: *La vischnaunca garantescha las uras da bloc prescrettas dil cantun sil scalem da scoletta e sil scalem primar.*

artechel 4: *La vischnaunca porscha en cass da basegns structuradas dil di supplementaras.*

artechel 6: La vischnaunca ei responsabla per ordinar e realisar mesiras da pedagogia speciala sil sector sempel.

art. 10/11: Direcziun da scola: quei ein dus novs artechels che reglan la relaziun d'engaschament e las obligaziuns e cumpetenzas dil meinascola.

Cun l'entrada en vigur dalla nova lescha da scola vegnan la lescha da scola dils 2 da zercladur 2002 sco era igl uorden disciplinar per las scolas dils 7 da fevrer 2002 cassai. Tenor art. 14 al. 2 lit. 16 ha il cussegl da scola la cumpetenzza da relaschar in uorden disciplinar.

Proposta



Sebasond sin sura ponderaziuns

propo na

la suprastonza communalal al cussegl da vischnaunca

- d'approbar la revisiun totala dalla lescha da scola;
- da suttametter quei conclus el senn d'art. 21, lit. b dalla costituziun communalal al referendum facultativ.

Suprastonza communalal Disentis/Mustér
Il president: Il canzlist:



Francesc Cajacob Andri Hendry

Disentis/Mustér, ils 9 da fevrer 2015

- lescha da scola